

Бундай ўта мураккаб шароитда жаҳонда тинчликни сақлаш, ижтимоий тараққиёт ва адолатни таъминлашда парламентлар иштироки ва таъсирини оширишни замоннинг ўзи талаб этмоқда.

Шавкат МИРЗИЁЕВ



«ИЖТИМОЙ тараққиёт ва адолат учун парламент ҳаракати»

Пойтахтимизда шу шиор остида Парламентлараро Иттифоқнинг 150-юбилей Ассамблеяси юқори савияда ўтказилмоқда.

ПАРЛАМЕНТЛАРАРО ИТТИФОҚ ДОИРАСИДАГИ ҲАМКОРЛИКНИ КЕНГАЙТИРИШ МУҲИМЛИГИ ТАЪКИДЛАНДИ

Ўзбекистон Республикаси Президенти Шавкат Мирзиёев
7 апрель куни Парламентлараро Иттифоқнинг 150-юбилей
Ассамблеяси очилишида нутқ сўзлади.

2-саҳифада ўқинг...

■ ЭЪТИРОФЛАР

Тажриба ҳамда фикрлар майдони

Манзоор НАДИР,
Гайана парламенти
спикери:



— Тошкентдаги Парламентлараро Иттифоқ йиғилиши барқарорлик, ривожланиш, инсон ривож масалаларига бағишланган. Бу масалаларни муҳокама қилиб, ўз парламентларимиз ва мамлакатларимизга тажриба ҳамда фикрлар олиб қайтамыз. Ўзбекистон Президентининг ассамблеяда иштироки, муҳим ғоялар ва ташаббусларни илгари сургани муҳим воқелик бўлди. Бу юртда кўрганам энг яхши намуна — бу хавфсизлик, ҳалқнинг илиқлиги, хурсанд чехралар. Ўзбекистон ва Гайана орасидаги масофа жуда узоқ. Лекин бу муносабатлар яхши бўлишига тўсқинлик қилмайди. Фақат парламентлараро эмас, балки ҳукуматлараро муносабатлар ҳам ривожланиши керак.

Ҳар бир масала глобал аҳамиятга эга

Побалан ГОВЕНДЕР,
ЖАР Провинциал-
лар Миллий кенгаши
(юқори палатаси)
раисининг
ўринбосари:



— Бугун Парламентлараро Иттифоқнинг вакиллари Президент Мирзиёевнинг нутқини катта қизиқиш билан тингладик. Ўзбекистон ташаббуси билан кун тартибига қўйилган ҳар бир масала глобал аҳамиятга эга. Анжуман юқори даражада ташкил этилди, қизгин муҳокамалар ва янги ғояларга бой бўлди. Муҳими, барча таклифлар ва ғоялар бир мақсадга қаратилган: дунёни демократик ва истиқболли қилиш, долзарб муаммоларни ҳам-жиҳатликда ҳал этиш.

Осиё учун ҳам муҳим тадбир

Муҳаммад Ризо
МАЖИДИЙ,
Осиё Парламент
ассамблеяси Бош
котиби:



— Парламентлараро Иттифоқ — дунёдаги энг қадимий тузилмалардан бири бўлиб, ташкилотнинг юбилей ассамблеяси Тошкентда бўлиб ўтаётгани нафақат Ўзбекистон, балки Осиё учун ҳам катта аҳамиятга эга. Бу тадбир Ўзбекистон дипломатияси, ташқи сиёсати, ва албатта, парламентлараро алоқаларни ривожлантиришда муҳим аҳамият касб этади. Таъкидлашим керакки, Осиёда бундай тадбирлар ўтадиган давлатлар жуда кам. Президент Шавкат Мирзиёев сазъи-ҳаракатларига жуда юқори баҳо бераман. Чунки у сиёсий, ижтимоий ўзгаришлар нафақат мамлакатда, балки минтақада, дунёда амалга ошишига катта ҳисса қўшмоқда.

Куннинг муҳим воқеалари

Ўзбекистон Республикаси Президенти Шавкат Мирзиёев 7 апрель куни Парламентлараро Иттифоқнинг 150-юбилей Ассамблеяси доирасида бир қатор парламентлар ва халқаро ташкилотлар раҳбарлари билан учрашув ўтказди.

Давлатимиз раҳбари дастлаб Россия делегациясига раҳбарлик қилаётган Россия Федерацияси Федерал Мажлиси Федерация Кенгаши Раиси Валентина Матвиенкони қабул қилди.

Озарбайжон Республикаси Миллий Мажлиси Раиси Соҳиба Гафорова учрашув аввалида Ўзбекистон етакчисига Озарбайжон Президенти Илҳом Алиевнинг саломи ва энг эзгу тилакларини етказди.

Беларусь Республикаси Миллий Мажлиси Республика Кенгаши Раиси Наталья Кочанова билан учрашувда кўп қиррали Ўзбекистон — Беларусь муносабатларини янада кенгайтириш масалалари кўриб чиқилди.

Ўзбекистон Республикаси Президенти Шавкат Мирзиёев Парламентлараро Иттифоқнинг 150-Ассамблеясида иштирок этиш учун мамлакатимизга келган Марказий Осиё мамлакатлари парламентлари делегациялари раҳбарларини қабул қилди.

Туркия Республикаси Буюк миллат мажлиси Раиси Нуман Куртулмуш бошчилигидаги делегация билан учрашув аввалида Туркия парламенти раиси давлатимиз раҳбарига Президент Режеп Таййип Эрдоғаннинг саломи ва энг эзгу тилакларини етказди.

Покистон Исломи Республикаси Сенати Раиси Юсуф Ризо Ғилоний бошчилигидаги делегация билан учрашувда Ўзбекистон — Покистон стратегик шериклик муносабатлари изчил ривожланиб бораётгани катта мамнуният билан қайд этилди.

Давлатимиз раҳбари Хиндистон Республикаси парламентининг қўйи палатаси — Лок Сабха Спикери Ом Бирла бошчилигидаги делегацияни қабул қилди.

Шундан сўнг Ўзбекистон Республикаси Президенти Шавкат Мирзиёев араб давлатлари парламентлари раҳбарларини қабул қилди.

Президент Шавкат Мирзиёев БМТ Бош котибининг болаларга нисбатан ўзвонлиқ масалалари бўйича махсус вакили Нант Маалани қабул қилди.

Сўнгра Ўзбекистон Республикаси Президенти Шавкат Мирзиёев Парламентлараро Иттифоқнинг ушбу нуфузли тузилма раиси Тулия Эксон ва бош котиби Мартин Чунгондан иборат делегациясини қабул қилди.

Учрашув якунида Ўзбекистон Президенти ҳамкорлиқни ривожлантириш ва парламент дипломатиясини самарали илгари суришга қўшган катта ҳиссаси учун Парламентлараро Иттифоқ бош котиби Мартин Чунгонни «Дўстлик» ордени билан тақдирлади.

ЎЗА хабарлари асосида тайёрланди

A stylized illustration of a Mongol ruler, likely Temüder Khan, seated on a throne. He wears a golden crown with red spikes and a white robe with gold floral patterns over a blue and red garment. He holds a sword in his right hand. The background is orange and white with large stylized letters 'P' and 'и си'.

9 АПРЕЛЬ — АМИР
ТЕМУР ТАВАЛЛУД
ТОПГАН КУН

и си

бири
нг
сон
ни

**Газетанинг етказиб
берилиши учун обунани
расмийлаштирган
ташкилот жавобгар.**

Gazeta ofset usulida,
A-2 formatida bosildi.
Hajmi 2 bosma taboq.
Buyurtma G-411